

## 112年語文競賽客家語朗讀文章國小中年級組（四縣腔）

### 【渡阿婆去公園寮】李秀鳳原作

阿婆平常時撈滿叔歸家人戴在莊下，放寮日，佢會來吾屋下看  
佢撈老妹有較高無？有較大無？阿婆來个時節，佢同老妹會牽等  
厥手，渡佢去屋脣个公園寮。

這日，佢兜三子阿婆手牽手又來到公園，一頭一頭開到鬧熱煎  
煎个櫻花相賽展分人看靚，一群青鸕仔<sup>1</sup>停在櫻花樹頂啾啾滾迎等  
人客。早春个風吹過來，雖然有一息仔清冷，毋過，好得有燒暖个  
日頭花晟到人歸身仔鬆爽。

公園肚个細陂塘，畜有盡多紅金鯉，還有幾隻肥卒卒仔个鴨仔  
泅來泅去。「阿婆、阿哥，遽遽來看！」先走到陂塘脣个老妹幹轉  
頭大嫲牯聲喊。佢牽等阿婆行兼去，看著一條細老鼠緊拚拚仔泅過  
來，同一大群紅金鯉、鴨仔搶麵包食，還生趣唷！脣頭企等个大人  
細子，大家都看到嘴杓杓仔。阿婆笑到嘴合毋密，講佢食到七十歲  
，還毋識看過老鼠仔泅水泅恁遽。阿婆教佢撈老妹唸：「阿貓  
牯，出門打老鼠，老鼠跌落陂塘肚。拿來煮，全家食落肚，爬床地  
席<sup>2</sup>肚屎痛啊！何麼个死苦！」

行恁咁个阿婆，坐在涼亭下个石凳頂歇睏，看佢撈老妹環等  
本來愛餵魚仔个麵包，扯到一細埕、一細埕仔擲在地泥下，黏皮就  
錫來七、八條對樹頂颯下來絡食个膨尾鼠。膨尾鼠當圖食，毋驚人  
，還會走兼來撈老妹討食。阿婆看到笑弛弛仔，過路人乜頓腳看到  
當入文。

拍拍風，老妹「哇」一聲，講「有蛇」，煞煞走落涼亭肚捕等  
阿婆个肚屎，驚到歸身仔緊顫。佢較大膽，行到樹頭下同佢看真兜  
仔，大聲笑講：「該毋係蛇啦！係山狗太。」阿婆牽等老妹行過來  
看山狗太緊額頭，親像撈佢兜相借問。阿婆教佢兩姊妹唸：「  
山狗太，恁作怪，看著人，額額拜，有時有日，分佢捉著，一  
片滷鹽一片晒。」

佢問阿婆：「你斷真愛撈山狗太捉去滷鹽晒日頭？」阿婆緊拏  
吾頭那緊講：「鸞孫得事！童謠為著搭句又押韻，成時會鬥一息趣  
怪个字眼來錫細人仔。」

佢撈老妹最好渡阿婆來公園寮，毋單淨好搞，還做得聽阿婆講  
古、學唸生趣个客家童謠，三子阿婆輒常寮到毋想轉屋。

<sup>1</sup> 青鸕仔：音 qiang' li' è；綠繡眼。

<sup>2</sup> 爬床地席：音 pa' cong' ia' qiag；形容非常痛苦的狀態。